

洞
天
奧
旨

洞天奧旨卷之九

山陰陳士鏗敬之甫號遊谷著 曾孫陳鳳輝羽儀甫梓

會稽陶式玉尚白甫號存齋評 玄孫增方溯泗氏校

杖瘡

杖瘡受官刑而成瘡也氣血有餘易于生合氣血不足難于化消倘受刑少者血不凝滯受刑多者血必穢淤受刑輕者氣不蕭索受刑重者氣必敗殘蓋刑輕刑少忍痛而斷不叫號刑重刑多悲傷而自多涕泣此氣血所以愈虧

也倘受刑之先身體原弱而不強則惡血奔心往往有死者必須活其血而補其氣敗其毒而消其火然後外用膏藥貼之或末藥敷之不至死亡也

湖中化淤湯 巫彭真君傳內治杖瘡神效服之無性命之憂

當歸 五錢 生地 五錢 三七根末 三錢 丹皮 二錢

白芍 三錢 生黃芪 三錢 生甘草 一錢 大黃 一錢

枳殼 三分 虛極者加人參 三錢 水一碗童便一碗

同煎服二劑淤血即散外用末藥膏藥貼之即愈

仙花散 外治杖瘡

鳳仙花葉

搗汁

馬齒莧

搗汁

黃蠟

二兩

葱白

搗汁

松香

二兩

五倍子

爲末

一兩

乳香

二錢

將鳳仙

葱莖先搗取汁二碗將黃松香

熬膏

入倍子末攤

膏貼之自愈

禿瘡

禿瘡乃足太陽膀胱督脈二經受濕熱故生蟲作癢其實亦因父母生兒之前不節色慾或服熱藥浪戰頻頻泄精以致胎中受毒不能卽散而小兒之首受之毒輕者瘡輕

毒重者瘡重既生之後小兒或食煎炒之味或多殮水菓
或多受暑風而頭上禿瘡因而生蟲痂高堆起白屑滿盈
終年累月而不愈矣瘡輕者外治卽痊瘡重者必湏內外
兼治庶易愈也世人多不急治所以多累竟至蟲蝕髮盡
成爲禿子耳

蝸蜂丹 外治禿瘡

蝸牛 十個
黃蜂窠 二錢
生甘草 一錢
白礬 一錢
將蝸牛

搗爛塗禿遍透後將下三味研爲細末猪油調敷

如用熊油調搽更妙

清首湯 內治禿瘡

玄參 三錢

生甘草 一錢

茯苓 二錢

白芷 一錢

一錢

山荳根 五分

紫草 一錢

黃栢 一錢

蔓荊子 一錢

一錢

白蒺藜 一分

半夏 五分

水煎服

四劑後以前方外治

無後患也此方以十歲爲準年小減之

魚臍瘡

魚臍瘡生于肘肚乃手少陰心經也此處屬少海靈道之穴生于小腿肚者乃足太陽膀胱經也此處屬承山飛揚之穴上下二處之瘡其疼痛皆甚初起一二日先用灸法

最易解散心經多氣少血膀胱經多血少氣少血者宜補
血以消毒少氣者宜補氣以消毒然氣血雙補而佐之消
毒之藥更佐以引經之品何瘡之不速愈乎俗名魚臍疔
治法正同耳

化魚湯 巫彭真君傳治魚臍瘡疔不論肘腿俱效

金銀花

一兩

當歸

五錢

生甘草

二錢

青黛

二錢

地榆

二錢

白礬

一錢

生黃芪

五錢

水煎服

陰包毒瘡

陰包瘡生于大腿內脈之上乃足肝經風熱之毒也肝本

多血少氣之經若生此瘡必然疼痛治法必須補氣以散風熱則已潰未潰尤易散也外用膏藥貼之更效如神

黃芪散陰湯 治腿內外股瘡毒疽癩

生黃芪

五錢

柴胡

一錢五分

白芍

五錢

炒梔子

一錢五分

大力子

一錢

甘草

二錢

連翹

一錢

金銀花

一兩

肉桂

三分

薏仁

五錢

半夏

一錢

水煎服

燕窩瘡羊鬍瘡

燕窩瘡生于腦後項之窩乃足太陽兼督脈之經也羊鬍瘡生于下唇下巴骨之處乃任脈之經承漿地閣穴道也

兩處生瘡多是感犯濕氣濕久則熱熱久則毒難化矣于
是氣血不通濕熱不散而瘡有經月不愈者在小兒尤多
倘內服除濕清熱之味以消太陽任督之毒外用藥搽之
或搽之則瘡卽結靨而愈矣

除濕清熱散 家傳內治燕窩瘡羊鬚瘡神妙

茯苓 二錢

炙甘草 一錢

白朮 一錢

白芷 五分

蒲公英 二錢

澤瀉 一錢

猪苓 一錢

蒼朮 一錢

羌活 五分

天花粉 一錢

水煎服

神異丹 巫真君傳外治燕窩羊鬚瘡最妙

輕粉 一錢

兒茶 三錢

黃丹 二錢

炒黃栢 三錢

枯礬 五分

水片 三分

各爲末濕則乾摻乾則用麻

油調敷數日卽愈

胎毒瘡癩眉瘡

瘡生于頭上眉上終年終月而不愈皆受母胎之毒也似與禿瘡相同然而禿瘡止生于頭而不生于眉也今頭與眉俱生尤胎毒之重者也故禿瘡可以外治而癩眉之瘡必頂內外兼治倘瘡止生頭上用清首湯妙矣或兒畏湯劑不肯吞服亦可止用蠅蜂丹外治無不愈者若頭眉俱

生必須先服清首湯另用釋眉丹外搽不至耽纏歲月也

清首湯 治胎毒瘡

載禿瘡門

釋眉丹 治戀眉瘡

黃連

五分油調塗

皂礬

一分輕粉一分

冰片

半分末

麻油少許再調塗之數次全愈或用膠

髓膏亦神效載在奇驗方門

肺風瘡齧鼻瘡

肺風齧鼻瘡生于鼻面之間乃肺經之病也夫肺開竅于

鼻肺氣不清而鼻乃受害矣鼻既受害遂沿及于面世人不知肺經有病或冷水洗面使熱血凝滯因結于面而生瘡矣治之法必須清肺氣而兼消其風活肺血而再祛其火然後用搽藥外治未有不速痊者也

加味甘桔湯 治肺風瘡鼻瘡

桔梗 三錢 甘草 一錢 甘菊 二錢 青黛 二錢

茯苓 三錢 白附子 八分 天花粉 二錢 白芷 五分 水煎服

杏黃散 載後

粉花瘡裙邊瘡

粉花瘡生于人面窠癩生癢乃肺受風熱也此瘡婦女居多蓋絞面感冒寒風以致血熱不活遂生粉刺濕熱兩停也裙邊瘡者亦婦女生于內外足踝之骨或裙短而不能遮風又不慎房帷乃致足寒而濕熱不行凝滯而生瘡也粉花瘡輕于裙邊以上濕易散上熱易化而下之濕熱未易消也故粉花瘡止消外治若裙邊瘡必兼內治始妙也

二粉散 載後

大風膏 載後

五色湯 巫彭真君傳內治裙邊瘡

茯苓 三錢 薏仁 三錢 黃柏 一錢 黃芪 三錢

荆芥 一錢 紅花 一錢 烏柏根 三錢 白礬 一錢 水煎服

服數劑外用大風膏調搽自愈

臟毒痔漏瘡

痔瘡生于谷道肛門之邊乃五臟七腑受濕熱之毒而生者也故瘡亦甚多形亦不一有狀似菱角者有狀似蓮花者有狀似穿腸者有狀似鼠奶者有狀似花瓣者有狀似蜂窠者有狀似懸珠者有狀似鈎腸者有狀似核桃者有狀似栗子者有狀似雞冠者有狀似珊瑚者有狀似擔腸

者有狀似垂珠者有狀似雞心者有狀似牛姝者有狀似
羊姝者有狀似串醫者有狀似翻花者有狀似氣突者有
狀似血射者更有外無形而內苦者有內外俱無形而齊
苦者摠之初生之時形小久則形大矣初有形之時痛尚
可忍久則痛不可忍矣雖痔之形狀甚多而犯濕熱則一
也夫濕熱亦易消之病何愈消而愈痛乎皆因不守禁忌
貪色慾而不止饗食味而無窮遂至痔變爲漏矣痔易治
而漏難治也蓋痔有諸形之異而各無孔竅之破服藥尚
無漏厄之虞一至成漏服飲食則泄氣矣吞藥餌則損血

矣血損氣泄何能成功哉况好色者多斷慾者少欲奏異
績實非易事且肛門糞口上通大小之腸前達任脈後達
督脈其皮肉橫中有直正中有斜一經破損難于生合且
成漏卮損傷皮肉尾闕不閉其何能合乎人肯節慾則漏
猶未甚而無如明知故犯者又甚多乎所以漏病之輕重
專分子慾事之多寡大約漏病有八一曰氣漏二曰風漏
三曰陰漏四曰冷漏五曰色漏俗名痔漏六曰血漏俗名
熱漏七曰偏漏俗名癭疔漏八曰痿漏俗名痿腮漏氣漏
者時腫時消疼脹難忍也風漏者孔竅作癢也陰漏者男

婦陰內疼痛出水也冷漏者孔內出白膿也色漏者犯色
流膿流精也血漏者時流鮮血也偏漏者肛門之外生孔
竅出膿血也痿漏者瘡口黑爛出黃黑水也世人治法多
用刀鍼掛線益增疼痛反耗氣血若不節食斷色未有能
生之者或用薰洗點搽之藥多有愈者然內無藥餌療之
亦虛歲月矣人能絕嗜慾慎氣惱澹滋味內服丸散外用
洗敷雖老人尚易奏績矧中年者哉漏瘡多生于肛門谷
道然亦有生于手上面上手足之上者此皆生他疽他毒
久已收口不慎色慾泄精以傷化氣血一泄不已又泄又

不已至于三泄而瘡乃成管終年流水流膿變成漏矣此等漏瘡較谷道肛門者少輕惟生于胸膈者頗重必須大補氣血斷慾半載加之補漏神丹服之則愈

榆羊丸 仲景張真君傳治痔瘡各痔無不神效

地榆 二兩 當歸 三兩 羊蹄後壳 三副 共爲末飯爲

丸日三服于未飲食飯前服之每服三錢一月卽

愈不再發地榆出臟之濕熱也當歸補新血也羊

蹄殼直達于直腸故用此爲使且此物亦去濕熱

故相濟成功

牆苔散 秦真人傳治痔漏久不愈者神效不測

綠苔

要牆上生者刮下五錢火焙乾爲細末

羊爪殼

五副用後蹄不用前爪

炒白朮

二兩

茯苓

二兩

槐花

五錢

白芷

一兩

共爲細

末米飯爲丸每日臨臥先服一錢後壓之美膳一

月卽內消管化烏有矣

參龜丸

鬼真君傳治各痔漏神效

人參

一兩

瓦礫

乾者三錢

此物最不肯乾佩身半月卽

乾妙在取人之氣茯苓

五兩

活龜

一個

將前藥各

爲末以綿紙同龜包之十餘層則龜不能出微火

焙之龜死則用武火焙之龜死則將藥末取出另包惟焙龜乾搗碎再焙乾全身用之同藥蜜爲丸每日只消服三十九不必服一料半料而漏管俱消而愈此方至神至聖但服此方至瀆忌房事三月鷄肉則終身忌之犯則痛生急以瓦蒜數條加皮硝數錢煎湯熱熏溫洗可救前方不可妄自加減一加減則不效矣用紙包龜者取龜聞藥而死也尤善消痔漏也否則功減半矣

補瀉神丹

南陽張真君傳治胸膈漏瘡并頭面手

足漏瘡俱神效

人參

五兩

白朮

三兩

炙黃芪

八兩

金銀花

四兩

當歸

二兩

人指甲

三錢

各爲細末蜜爲丸每日服三

次每服五錢一料必愈忌鵝肉一載房事三月如

面漏加白芷

四錢

頭上加川芎

一兩

車塗法

醫方摘要治痔瘡腫痛

皂角

三挺

火燒烟先熏之後以鵝膽汁調白芷末

塗之即消別鬱金末水調塗亦消也

墨汁散

保壽堂方治痔漏瘡癢

旱蓮草

一把長須洗淨
用石臼搗如泥

以極熱酒一盞衝入取汁

飲之滓敷患處重者不過三服卽安

傳家秘方 治腸風痔漏

葶藶貫衆

去土
等分

爲末每服三錢溫酒空心服之

四聖丹 治痔漏如神

蜂房

一個淨全用去蟲將食鹽填于孔內陰陽瓦
焙乾爲末

地龍

去泥淨陰陽瓦
焙乾爲末五錢 蟻螂 取米頭者佳陰陽瓦
火焙乾爲末三錢

廣木香末

三錢

象牙

三錢

乳香

去油三錢

瓜兒血竭

淨末五錢

飛禁末

三錢

槐子

炒黃爲末三錢

沒藥

三錢

提淨黃蠟

八兩 溶化

入前藥和勻爲丸

每日清晨酒服三錢如不能飲清湯下

狗腸丸 治漏瘡神效

黑狗腸

一兩 煎

象牙末

四兩 細茶末

四兩

倍子末

四兩

連腸爲末如梧子每服淡鹽湯飢服

三錢如不能丸少加煎蜜爲丸一料必愈忌煎炒

熱物才忌房事狗腸乃直也象牙脫管也

陰囊破裂漏水瘡胞漏瘡

陰囊之外被裂漏水此非痔漏之漏也乃楊梅毒氣未散

結于囊中也然而楊梅瘡生于身上既已全愈何外囊獨留毒乎蓋服敗毒之藥過多必傷元氣則膀胱之氣難化而毒尚存于囊中矣所以破裂漏水也治之法必須補氣以健膀胱益之分消之藥爲妙斷不可更服祛毒之味重傷元氣也胞漏者囊中起窠子作癢乃搔抓破損而水遂外滴尚不至破裂而漏水此乃肝經濕熱非膀胱受毒也分消肝經之濕熱亦易奏功耳

土茯苓散 家傳內治陰囊破裂漏瘡

土茯苓

兩

白茯苓

三錢

薏仁

五錢

肉桂

三分

分

金銀花

兩

人參

二錢

白朮

二錢

車前子

二錢

水煎服

數劑外用炒黃柏

一錢

輕粉

三分

兒茶

三錢

冰片

一分

各爲末摻之卽愈

逐濕湯

治胞瀉

牽牛

一錢

大黃

一錢

木通

一錢

黃柏

一錢

芍藥

五錢

牛勞子

一錢

茯苓

三錢

茵陳

一錢

水煎服

二劑漸愈再用前末摻之卽痊

雌雄狐刺瘡

狐刺瘡生于手上有雄有雌雄者單而雌者偶前人謂雌

者止生一個雌者生有五七個誤也瘡內生有亂絲瘡外
生有小刺雌雄無異正不必過分也大約生雌雄瘡者無
不疼痛無非受竹木簽傷破皮破肉而成之也治法先用
生甘草枸杞根等物煎湯洗之後用桑粉丹敷之即愈

桑粉丹 治雄雌狐刺瘡神效

桑條

燒灰存性三錢

輕粉

一錢

雄黃

一錢

貝母

一錢

各爲末

先以甘草枸杞各三錢煎湯一碗洗瘡口淨多浸
一會後以此四味研入米醋少許調稀入瘡口滿
頻頻換之待刺去自生肌矣

水流麻根瘡

麻根瘡生于足後跟之下色赤皮爛內有肉絲縷縷狀似麻根故以麻根名之足跟本屬足太陽之經多血少氣而人又好色者多節慾者少必至氣亦傷矣不止血之不足也况房事不節則精既耗散血不更損乎是氣血兩虧尤難醫療也治法必須用十全大補湯補其陰陽更用腎氣丸以填其精髓則氣血齊足而瘡毒易散然後用外治末藥敷之始得奏功更宜絕慾爲妙否則毒不能去肌不能生亦可畏也

十全大補湯 載後

腎氣丸

輕粉 三分
生甘草 五分
黃柏 一錢
銅綠 三分

乳香 五分
冰片 一分
黃丹 五分
沒藥 三分
各研絕

細末先用苧麻根 一把
苦參 二錢
煎湯一碗洗瘡
臭腐後用此方藥末搽之而愈

肥粘瘡

肥粘瘡多生于小兒頂上俗名肥瘡頭上乃太陽經也身
感風熱不散而毒乃浮于頭上遂生此瘡初生之時多黃

膿暴出流粘髮根與禿瘡無異然禿瘡乃胎毒而肥粘非胎毒也以小兒好癩水菓濕氣留中一遇風熱聚而外出或油手抓頭或剃刀傳染初生一二久則遍頭皆是蓋濕熱生蟲也治法先用槐條煎湯洗淨後用末藥外治不數日即愈也

菊粉散 巫真君傳治肥粘瘡

黃菊花

五錢

燒灰烟膠

二錢

輕粉

一錢

枯礬

一錢

黃丹 二錢

各爲末濕則乾搽乾則用豬油熬熟搽

之神效

千日瘡

千日瘡生于人之手足上一名疣瘡一名癩子一名悔氣瘡狀如魚鱗排集疊不已不痛不癢生千日自落故又以千日瘡名之或用雞脛皮擦之自愈初生時艾灸第一個卽落不再生或用蜘蛛絲採來纏于根下不數日亦落也

齒垢散 治疔子神效

用人齒上垢不拘多少先用手將疔子抓損後以人齒上垢敷之日數次數日自落

時毒暑癩

身生癩毒乃夏天感暑熱之氣而又多飲涼水冷湯或好食生菓寒物以致氣不流通血不疏泄乃生毒癩矣雖癩疔瘡癩多是相同而感生瘡癩則少輕也小兒多生此瘡然重者身必發寒發熱作膿而痛盡是陽瘡半發于頭上則發于身體手足不若癰疽之症有七惡之險內用清暑解毒火外用活血生肌膏藥末藥審而治之何難速效哉

解暑敗毒飲

香茹 二錢

蒲公英 二錢

青蒿 二錢

茯苓 二錢

二錢

二錢

甘草 一錢
歸尾 一錢
黃芩 五分
黃連 五分

大黃 八分
天花粉 一錢五分
水煎服十歲小兒如此大

人增半小兒五歲者減半服後用膏藥可也

齒疔

齒疔者齒斷上長出如雞足疔長一二寸者有之初生之時微痛後則痛漸重矣往往有爛之而痛難忍者夫齒之上斷本屬足陽明胃經也胃經有毒故長齒斷也齒之下斷又手陽明大腸經也倘斷下長出屬大腸經矣總用芫花二錢煮絲線繫之二日卽落更用分經之藥以泄其毒

則踞落不再長也

白殼瘡

白殼瘡生于兩手臂居多或有生于身上者亦頑癬之類也如風癬花癬牛皮癬楊梅癬皆因毛竅受風濕之邪而皮膚無氣血之潤毒乃附之而生癬矣此等之瘡非一二劑補氣補血可以速愈也故必須外治爲妙更有一種小兒食母之濕乳流落唇吻積于兩頰間亦生癬瘡名曰濕奶癬與前瘡少異蓋風花牛皮楊梅癬多是風燥之瘡而奶濕瘡實濕症也惟瘡皆白殼無他異耳故皆以白殼名

之大約白殼瘡俱用治頑癬方多效獨濕奶瘡用粉霜散而效速不必用頑癬之方耳

頑癬方 岐天師 張真君傳方 載後治白殼瘡癬
粉霜散 治濕奶白殼瘡

羊蹄根

三錢

輕粉

一錢

白礬

一錢

天花粉

二錢

冰片 一分

兒茶

一錢

各爲末醋調搽之一二次卽

效

洞天奧旨卷之十

山陰陳士鐸敬之甫號遜公著 曾孫

會稽陶式玉尚自甫號存齋評 袁藻增方湖澗校

鼻瘰鼻痔

鼻瘰者生于鼻孔之內其形塞滿竅門而艱于取息故名
曰鼻瘰也鼻痔者亦生鼻內畧小于鼻瘰狀如櫻桃枸杞
皆肺經受毒氣不能消濕熱壅滯而生此二病也內治必
須清肺爲主而佐之除濕降火之味外用藥點搽亦易愈

也

分消湯 內治鼻嚏鼻痔

黃芩

一錢

炙甘草

一錢

青黛

二錢

桔梗

三錢

天花粉

二錢

麥冬

二錢

天冬

二錢

連翹

三錢

苦丁香

五分

水煎服四劑

礪砂散

外治鼻嚏鼻痔

礪砂

一錢

輕粉

二分

木片

五厘

雄黃

三分

共爲細

末用桔梗咬毛蘸勤點嚏痔上日五六次自然漸

化爲水然必須戒色慾始愈

千金方 治鼻中息肉

明礬

一兩

蓖麻仁

七個

鹽梅肉

五個

麝香

一字

杵丸綿

裹塞之化水自下也。聖濟總錄用青蒿灰石灰各等分淋汁熬膏點之亦效。

嵌指

嵌指者雖生脚指甲上此蓋因踢感傷損或靴鞋短窄屈其甲而不得伸以致蹉踈不安致甲長于肉內內無可容破而流水未免步履更艱已傷益傷而作痛甚至不可忍也百治不痊者誤認指疔妄用敗毒之藥反耗氣血而

不能愈耳。湏令倚脚人輕輕脩去肉內之甲然後以生肌散敷之未有不愈者矣。

肘後方 治足趾甲入肉作瘡不可履靴

礬石燒灰細細割去甲用礬石末傳之蝕惡肉生好肉旬日即愈神效

二黃黎香散 醫方摘要治婦人趾甲生瘡惡肉突出久不愈

皂礬日曬夜露每以一兩煎湯浸洗仍以礬末一加雄黃二錢硫黃一錢乳香沒藥各一錢研勻

搽之

鵝掌風

鵝掌風生于手掌之上古書云人生楊梅瘡時貪食鵝肉因生鵝掌之風然亦有不慎房事泄精之後或手洗涼水或足犯雨露皆能感生此瘡不獨犯于手掌而兼能患于足面白屑堆起皮破血出或疼或癢者有之乃心腎二經乘虛而受毒也內治用六味地黃湯加柴胡麥冬白芍菖蒲之類治其心腎最神外用熊脂膏塗而烘之不一二次卽愈

加味地黃湯 祖傳內治鵝掌風足癬

熟地 八兩 山茱萸 四兩 丹皮 三兩

澤瀉 三兩 柴胡 一兩 麥冬 三兩 當歸 三兩

白芍 三兩 肉桂 一兩 菖蒲 五錢 茯苓 三兩 各為末

蜜為丸 每日早晚空腹滾水送下 各 五錢 一料即

愈

熊脂膏 治數十年鵝掌風

熊油 一兩 瓦礫 三錢 輕粉 一錢 樟腦 一錢 各為末

先以甘草 三錢 桂枝 二錢 煎湯洗之 烘乾以熊油

調各末搽而烘之一日三次一連三日卽愈

疥瘡 附膿窠瘡

疥與膿窠瘡多生于兩手兩足然亦有遍身俱生者膿窠瘡養多于痛若疥瘡但癢而不痛者也故疥之病輕而膿窠之病重大約疥瘡風熱也膿窠血熱也風熱者濕少血熱者濕多二症俱有濕故皆有蟲也使氣血兩旺斷不生蟲故治此等之瘡必須補氣補血佐之去風去濕則蟲且自亡安能作崇乎正不必妄用薰洗之藥也洗法尚無大害倘氣血大衰之人輕用薰藥必傷肺矣外瘡雖愈而火

毒內攻往往有生肺癰者不可不慎也

加減八珍湯 治疥瘡膿窠

人參 一錢 當歸 三錢 白芍 二錢 生甘草 一錢

茯苓 三錢 白朮 五錢 黃芪 三錢 熟地 五錢

生地 五錢 柴胡 一錢 川芎 八分 天花粉 二錢 水煎服

先用六劑去柴胡加北五味子十粒再服六劑無

不盡愈如有火者加黃芩二錢

輕桃丸 岐天師傳治疥瘡

輕粉 一錢 白微 一錢 防風 一錢 蘇葉 一錢 各爲細

末用油胡桃肉三錢搗碎研絕細同猪板油再搗
成圓彈子大擦瘡處一二日即愈

坐板瘡

坐板瘡生于兩髀之上髀乃脾經之所屬也脾屬至陰而
髀又至陰之地脾經血少血少則易生熱矣血少而熱又
加濕氣侵之則濕熱兩停鬱久不宜髀乃生瘡矣此瘡最
癢而兼痛治宜健脾以生氣使氣旺則血易生氣血漸生
則濕自下行從膀胱而分散水濕既利而熱又何存毒又
何在乎外用藥治之奏效更速倘氣血不甚虛者不須內

治惟外治可也

加味五苓散

內治坐板瘡

白朮

五錢

茯苓

三錢

澤瀉

二錢

猪苓

一錢

肉桂

二分

黃柏

一錢

水煎服

濕熱兩治散

外治坐板瘡

蘿蔔種

一兩

火煨存性爲末敷于新瓦上煨微熱

坐于其上

數次自愈或以灰窆燒爲末摻于瘡上

數天即愈

松黃散

治坐板瘡

松香 五錢

研細雄黃 一錢
研細濕蘘加蒼朮 三錢

各爲末綿紙撚成條蠟猪油浸透燒取油搽上立

愈

喉閉蛾瘡

此生于咽之上也 其瘡有二一雙蛾一單蛾也 雙蛾單蛾之症亦有二一陰症一陽症也 二症雖異而火則一也 然而火有陽火陰火之分 陽火者實火也 陰火者虛火也 咽喉乃至命之關 此處生蛾瘡俱是危症 然陽火勢若重而實輕 陰火勢少輕而反重 蓋實火可以寒散而虛火必須

溫散也倘治之得其道效應如嚮

破噎湯 治陽症雙蛾單蛾喉痺等症如神

桔梗 三錢 甘草 二錢 柴胡 一錢 白芍 五錢

玄參 三錢 麻黃 一錢 天花粉 三錢 山豆根 一錢 水煎服

一劑咽喉寬再劑盡消

引火湯 治陰症雙蛾單蛾喉痺等症

熟地 三兩 巴戟天 一兩 茯苓 五錢 麥冬 一兩

北味子 二錢 水煎服一劑火下歸二劑全愈二方已

破未破俱可用不必用針吹藥點治之也

兩地湯 伯高太師真君傳治喉腫大作吐痰如湯

口渴求水雙蛾纏喉風瘡

熟地 一兩 生地 一兩 玄參 一兩 肉桂 三分

黃連 三錢 天花粉 三錢 水煎服下喉卽愈

再生丹 治雙蛾單蛾初起久患以及喉痺等症

桔梗 一分 硼砂 一分 山豆根 一分 生甘草 一分

牛黃 一分 荆芥 一分 研絕細末用鴉翎蘸藥五厘

吹入蛾處目六次痰涎出淨卽愈神方也

治單蛾雙蛾

雄黃明礬各等分研絕細末吹入喉中俟痰涎流
淨不必吹藥矣

大麻風

大麻風感受火毒殺物之風氣而結成之者也初生之時
頭面身體先見紅點後變紅斑漸漸皮破汁流而成瘡矣
鬚眉盡落手足指脫眼暗鼻崩毛豎身紫遍體腐爛流膿
流血臭穢難聞最可憐之病也此病南粵最多以地近炎
荒蛇蟲蟠結濕熱之毒一犯則裂結于皮膚濕蒸之氣一
侵則藏于肌骨終年不散向外交迫遂生麻風之瘡然

而此瘡亦有不在南風之而生者別感火邪酒濕之毒氣而
又勞事不慎則毛竅盡開易于侵犯治之不得法皆與麻
風症相同可見麻風之病南北俱有必以解毒爲先然而
近人元氣虛者甚衆止渴其毒而不兼補氣血則毒敗而
真精隨耗何能全活乎倘惟事補正而不急敗其毒又恐
引邪入內致崩臟腑亦可畏也故當補正散邪兼而治之
始易奏功

掃癘丹 岐天師傳治頭面身體先見紅點斑文流
水成瘡髮眉墮落遍身腐爛臭穢

蒼朮

三錢

熟地

一兩

玄參

一兩

蒼耳子

三錢

車前子

二錢

金銀花

二兩

薏仁

五錢

水煎服

二十劑必

愈

黃金湯

伯高太師傳治初起大麻風

大黃

五錢

金銀花

半斤

水煎汁

三碗

分作三次

一日

服完必然大瀉惡糞後單用金銀花

三兩

連服十

日全愈

解癘仙丹

治酒濕感毒而生大麻風神效

茯苓

三錢

白朮

五錢

薏仁

五錢

黃連

一錢

玄參 一兩 金銀花 三兩 柞木枝 三錢 水煎服連服二十劑已爛未爛俱愈

漆甲散

川山甲 一副 全明雄黃 四兩 爲末真生漆和勻刷

在甲上微炙微刷以盡爲度將川甲分記上中下左右共作六碗各另研細末用四年陳醋冬米飯爲丸每服 五錢 白滾湯送下患左用左患右用右

上服上中服中下服須記分白如在通身一起製

服神效

蛇窠瘡

蛇窠瘡生于身體臍腹之上下左右本無定處其形象宛如蛇也重者爛深輕者腐淺亦有皮肉蠕蠕暗動欲行而不可得也此瘡或穿著衣服棄于地上爲蛇所遊或飲食之中蛇涎沾染其毒未散因人氣血尚壯不傷臟腑乃發于皮膚耳重者毒重而痛甚輕者痛猶可受治法不必問其重輕總以解毒爲神也前人用松針刺其初起之瘡頭尚非治之善者大約以蜈蚣浸油頻搽以雄黃白芷佐治實得法也

蜈蚣油 巫彭真君傳治蛇窠瘡兼治蛇咬傷成瘡

俱神

蜈蚣十條爲末不可經火白芷 三錢 爲末白者佳

雄黃 三錢 爲末生甘草末 三錢 香油 二兩 將三味

浸之三日或隨浸調搽皆能建功也

蜘蛛瘡

蜘蛛瘡生于皮膚之上如水窠髮鬚其色淡紅微痛三三兩兩或羣攢聚宛似蜘蛛故以蜘蛛名之此瘡雖輕然生于皮膚終年不愈亦可憎之瘡也或謂濡濡蜘蛛之尿而

生者其說非是大約皆皮膚之血少而偶露毒氣濕氣遂生此瘡耳方用苧麻在瘡上搽搓使其瘡破水出後用藥搽之自易愈也

解蛛丹 治蜘蛛瘡

苧麻根灰 三錢 水片 二分 輕粉 五分 抱出雞蛋殼

燒灰 一錢 燈草灰 二分 白明礬 三分 共研細搽瘡

上卽痊然必須用苧麻搽瘡皮破搽藥效之神也

陰陽濕痰破瘡

陰陽濕痰瘡皆傷寒失汗寒熱鬱而生痰痰不能驟消于

臍臑留而不散久之結于肌肉遂成痰塊塊久則腫腫久則痛痛久則潰潰則成瘡矣但其瘡有陰陽之分陽瘡多生于兩手陰瘡多生于兩足陽瘡則熱陰瘡則寒熱者病在陽臍寒者病在陰臍也故治手上之瘡者宜治其陽之熱經而佐之去濕化痰之品治足上之瘡者治其陰之寒經而佐之去濕化痰之味無不收功也前人專用艾火灸之尚非正治耳

通陽消毒湯 巫彭真君傳治陽濕痰破瘡在手者

茯苓 三錢
神麩 一錢
硝砂 一錢
甘草 一錢

麻黃

五分

白朮

三錢

黃柏 一錢

天花粉

三錢

黃芪

五錢

蒲公英

三錢

水煎服如已潰者用冲和膏

貼瘡口自愈

治陰化濕湯

巫

彭真君傳治陰濕痰破瘡在足者

白朮

五錢

茯苓

五錢

肉桂 二錢

附子 一錢

黃芪

一兩

半夏

三錢

水煎服如已潰破者用玉龍

膏外敷之內外兼治則易愈也

傷寒有大渴之症貧家無力買藥或富家悞用藥餌惟以飲水止渴爲事雖火爲水折胸膈之炎熱少除而水多難

化未免留滯下焦停積成淤而兩足之氣不通濕熱生瘡
久則破爛筋弛肉腐而兩足墮落矣此等之瘡非尋常藥
味些小分兩可以保全者

全活湯 巫彭真君傳治傷寒愈後兩足生瘡流水

流膿神效

白朮 三兩

蒼朮 二兩

肉桂 一錢

薏仁 二兩

車前子 五錢

人參 一兩

如貧家用黃芪 二兩

水煎服

一連服十日不特兩足之爛可除而餘生亦可全

活

楊梅疔瘡

楊梅疔瘡生于龜頭之上者多生于穀道玉莖上者少生于鼻內者更少皆熱毒之氣也風流子弟何忽生此瘡平日所食者肥甘所衣者輕煖何傷此熱毒乎蓋得之于嫖妓與有毒之女兩相酣戰而中毒也妓女何毒重如此亦過毒感毒耳泄精之時自覺馬口之間如針刺痛此毒氣來犯矣重則生魚口輕則生疔瘡疔瘡乃楊梅先兆也當酣戰之時本難中毒然而鼓勇而鬪內火沸騰及至泄精元氣虧損毒氣卽乘虛而入內火與毒氣之火兩相和合

而不化故生疔瘡不補虛而惟事敗毒則已虛益虛無異
下石未有不滿身生瘡者矣治法內用「二生湯」外用保身
散治之卽愈苟或不然變出非常非玉莖爛落卽鼻柱塌
陷破壞面目可畏哉

二生湯 岐天師傳治初生疔瘡

生黃芪

三兩

土茯苓

三兩

生甘草

三錢

水煎服外用藥敷

之

保身散 巫彭真君傳外治疔瘡

輕粉

一錢

黃栢

五錢

乳香

一錢

水粉

三分

孩兒茶

三錢

百草霜

一錢

冰片

三分

各爲末豬膽調搽

楊梅圈瘡

楊梅圈瘡此楊梅瘡發已久將要結痂而復犯房事以致作痛生圈此等治法必須大補氣血氣血足而精生精生則臟腑還元而瘡自結痂矣不可悞認毒之未淨而仍用敗毒之劑也一用敗毒更傷損氣血終無奏功之日矣惟內用大補之藥外用調搽之末便易收斂且慶安全也

加味十全大補湯

祖傳方內治楊梅圈瘡

人參 二錢

當歸 三錢

白朮 三錢

茯苓 二錢

生甘草

二錢

黃芪

三錢

肉桂

三分

川芎

一錢

熟地

五錢

柴胡

五分

土茯苓

五錢

水煎服

十劑

虛甚

者多服爲妙

粉霜神丹

外治楊梅圈瘡

粉霜

一錢

人參

一錢

生甘草

一錢

木片

三分

輕粉

一錢

丹砂

一錢

石膏

二錢

槐

米

一錢

各研細末猪膽

調搽愈

楊梅結毒

楊梅之瘡多生于嫖妓聞人毒氣而生者其毒即發不生

子玉莖馬口之間也惟嫖妓而得之必從玉莖始以毒自
此入則瘡亦自此興倘初生下疳卽用福德湯大劑吞服
不特疳瘡頓愈而楊梅之瘡亦必不生卽生亦輕少斷無
結毒之禍無奈世醫不知此方之妙妄用藥餌惟識敗毒
不難用補氣補血之味以致難于收功而風流子弟厭惡
生瘡且歸咎醫生或請收斂醫生貪圖厚謝不補氣以祛
邪不補血以化毒竟用輕粉之類以收斂之毒入骨髓不
敢外發一時瘡淨亦爲可喜子弟甘謝而無怨言醫生樂
酬而生德色苟仍補其氣血而加之暗消之品終年累月

而服之則元精既足元氣自旺毒難內存猶能外泄無如
子弟既苦于服藥而醫生亦倦于防危彼此相忘竟置之
不論不議之天誰知收斂之後不知保守縱慾如故而毒
難久留或半年或二三年乘何臟腑之虛乃突而外攻矣
大約毒結臟腑之虛俱是難救之瘡而結于鼻與玉莖者
尤爲難救

徧德湯 伯高太師傳治下疳楊梅

當歸 二兩

白朮 二兩

生甘草 五錢

土茯苓 一兩

金銀花 四兩

天花粉 三錢

煎服連服十劑而遍身之

瘡如掃矣

寒水再造丹 伯高太師傳治結毒至鼻爛莖爛者

皆效

麥冬

三兩

生甘草

一兩

桔梗

三錢

黃芩

三錢

連翹

三錢

貝母

三錢

土

茯苓

二兩

寒水石研細末

三錢

夏枯草

二兩

水煎汁二碗

調寒水石末服倘鼻尚未

落一劑不爛落也如已爛落一劑不再爛也二劑

全愈倘結毒生于他處減半多服無不奏效

翻花楊梅

此瘡亦感淫毒之氣也視其瘡勢若重其毒反輕蓋毒欲盡情出外也古人云是濕熱表虛表虛則有之不可全歸于濕熱也總皆毒氣外發因表虛而反熾誰知因熾而補其表則表實而毒難藏轉易收功也惟是表虛不可再貪色慾不獨傳其毒而害人且虛其虛而自害故必須節飲食戒惱怒而斷房帷斷無意外之虞外用點藥敷之自奏功如神矣

黃芪外托散 家傳治翻花楊梅毒

黃芪 一兩
當歸 三錢
人參 三錢
茯苓 五錢

土茯苓二兩 白芍五錢 生甘草三錢 白礬二錢 水煎服

四劑重者十劑外用藥調搽即愈

地龍粉霜丹 祖傳方外治翻花楊梅瘡

粉霜二錢 蚯蚓糞一兩 火焙乾 百草霜三錢

輕粉二錢 黃丹三錢 飛過 生甘草二錢

冰片二錢 黃柏炒二錢 胡粉二錢 各爲細末點搽白

愈

陰陽楊梅瘡

楊梅瘡有陰陽之分古人以陽屬氣虛而感毒陰屬血虛

而感毒實爲有見非無稽之語也陽必高突陰必低陷陽必痛陰必癢而其色皆紅也故陽宜用補氣之藥而佐之化毒之味陰宜用補血之藥而輔之消毒之品然後外以末藥調搽豈難速愈乎

六君加味湯 治陽楊梅色紅作疔而高突者神效

人參 五錢 白朮 五錢 半夏 一錢 生甘草 三錢

茯苓 三錢 陳皮 五分 土茯苓 兩 金銀花 兩 水煎服

十劑愈

加味四物湯 治陰楊梅色紅不起不破作癢者神

效

熟地 五錢
川芎 二錢
當歸 五錢
白芍 一錢

白茯苓 二錢
生甘草 二錢
金銀花 一兩
天花粉 二錢

土茯苓 一兩
水煎服二十劑愈

丹砂斂毒丹 外治陰陽楊梅瘡兼治疔瘡

丹砂 一錢
雄黃 二錢
粉霜 一錢
孩兒茶 三錢

露蜂房燒灰 五分
冰片 三分
生甘草 一錢

輕粉 一錢
各爲細末猪膽調搽自愈

楊梅瘡

此乃女子感染男子餘毒而生者也或前已生瘡用藥既
痊偶食牛肉或洗浴當風抓癢或行房事以虛其皮膚毒
結不散乃生癬矣或血乾而起白屑或肉碎而流紅水以
致淋漓臭穢者有之用蝸牛栢霜散原易奏功然內不服
藥以補虛則氣血雙虧外難卽愈必須內外兼治否則日
久不痊必生虫蝕反難速瘥也

雙補化毒湯 岐天師傳內治楊梅癬

天花粉 二錢 當歸 五錢 黃芪 五錢 柴胡 一錢

生地 三錢 麥冬 三錢 天冬 三錢 荆芥 一錢

五分

威靈仙

二錢

白蘚皮

一錢

胡麻

二錢

槐屑

二錢

乳香末

一錢

生甘草

二錢

水煎十劑外用末藥搽之必

愈

蝸牛極霜散

岐天師傳外治楊梅癬

黃柏

三錢

淡藥

一錢

輕粉

一錢

粉霜

一錢

雄黃

二錢

冰片

三分

丹砂

五分

孩兒茶

三錢

枯礬

一錢

蝸牛十個各爲末猪膽調搽日數次搽

三日漸愈神效

楊梅瘡子

其瘡細小亦是淫毒與大者相較其毒尚輕蓋其人氣體壯實感毒不重故瘡亦不惡也急用內托之藥十數劑則毒易散而痘亦易圓倘恃強而仍然漁色則氣血雙耗必至輕變爲重矣輕旣可以變重安在重而不可以變危乎摠之楊梅之瘡毋論輕重必須速治加之絕慾則病去如掃無如世人好色甚多服藥甚倦遂至變生不測也鐸有神方因載手後聽世採取耳

早瘡湯 岐天師傳治初出楊梅瘡痘神效

人參

一兩

生黃芪

一兩

茯苓

一兩

當歸

一兩

遠志 三錢

生甘草 三錢

金銀花 一兩

大黃 一兩

石膏 一兩

柴胡 二錢

白木 一兩

天花粉 三錢

水煎服一劑大瀉惡物臭穢不堪再服二劑毒盡

去矣去大黃石膏加土茯苓

二兩

同前藥再服四

劑必有瘡影發于滿身在皮之內而出于皮之外

也再服二劑全愈

外表湯 治楊梅瘡子

黃芪 一兩

當歸 五錢

麥冬 五錢

金銀花 一兩

天花粉 三錢

木通 一錢

澤瀉 二錢

柴胡 二錢

黃芩 二錢

生甘草

二錢 水煎服

齒窟瘡

齒窟瘡因傷損齒牙其齒墮落而成者也蓋人齒最深其窟甚大氣血盛而易于長滿氣血虛而艱于生合其症高年老人尤多夫齒雖有臟腑之分而根實出于腎也高年老人腎精耗竭無不虛者所用飲食止可生氣生血不能生精精少則腎氣不生而腎血又何易生乎此齒窟之更難填實也况兼貪饕或用硬物磕破少合而重傷畧滿而再損疼痛切骨連心者往往然也內用加味地黃丸以填

其精外用填齒散脩之自然精不涸而氣血相助則齒窟不至空缺也卽不生齒而生肉必速矣

加味地黃丸 內治齒傷成窟

熟地 五錢 山藥 三錢 山茱萸 二錢 茯苓 二錢

骨碎補 二錢 補骨脂 二錢 丹皮 二錢 當歸 五錢

麥冬 三錢 澤瀉 一錢五分 氣虛甚者加人參 五錢 水煎

服以齒滿爲期

填齒散 外治齒窟

人參 一錢 骨碎補 一錢 三七末 一錢 同川蒺藜 一錢

乳香 一錢
鼠春骨末 一錢
各爲末用黃蠟化開

成丸如齒窟大填入隙數日卽愈如蠟化頻填自

愈

胎漏皮瘡

胎漏皮瘡初生嬰兒所長之瘡也有肉無皮視之可痛蓋
母食五辛之味或餐燔熬炙煇等物或父母有瘡而坐孕
往往生無皮之子然而傷熱而生之者其病輕受毒而生
之者其病重重者母子必須同服化毒之藥則皮生而兒
無死亡之禍否則無不夭者若因食熱物而生者雖半體

頭面皆無皮不必母子同服解毒之藥但用白芨雄黃散敷之自安也

全蠍生皮散 岐天師傳治父母生瘡因產胎濕皮

瘡之子者此方主之

全蠍 一兩

生黃芪

四兩

金銀花

八兩

生甘草

一兩

麥冬

四兩

各爲末蜜爲丸每日服五錢子服三九

一料全愈

白芨雄黃散 岐天師傳治食五辛熱物子生濕皮

瘡神效

白芨

兩

雄黃末

三錢

各爲末摻之自然生皮且又

不痛最神